

# Cussegl dals chantuns è sceptic visavi la terza generaziun

Dretg da burgais facilità – betg automatic

■ (anr/vi) La chombra pitschna demussa sceptica pertutgant il dretg da burgais per la terza generaziun. Senza la vusch da tagl dal president fiss la lescha ida ier da la glatscha giu. Survegn la terza generaziun dad esters pli tgunsch il dretg da burgais? Dapi set onns stat la dumonda sin la glista da tractandas. Il cussegl naziunal ha gia pliras giadas ditg gea cun grondas maioritads. Bunamain tuts chantuns èn s'exprimids persuerter. Ier ha la chombra pitschna votà cun 21 cunter 21 vuschs davart desister da la lescha. La vusch da tagl dal president *Claude Hêche* ha spendrà il project. Uss sto la cumissiun dal cussegl dals chantuns anc ina giada sa fatschentar cun la chaussa. Crititgà han ins cunzunt che las reglas per ina naturalisaziun da la terza generaziun sajan memia cumplitgadas e birocraticas.

## Gia la tatta è naschida en Svizra

Il adholders han fatg valair ch'ins discurreia da gliedud che saja integrada fitg bain en Svizra. La terza generaziun saja naschida qua, ida qua a scola, lavuria qua e paja taglia.

Il adholders han admonì ch'i na saja gnanc uschè simpel da dir tgi che dastgass profitar da survegnir pli tgunsch il dretg da burgais. La lavur administrativa fiss enorma.

Tenor la veglia dal cussegl naziunal fiss la naschienscha en Svizra la cundiziun per survegnir pli tgunsch il dretg da burgais. Latiers stuess almain la tatta u il tat esser naschì en Svizra u avair gi il dretg da dimora. Era la mamma u il bab avess stuì esser naschì qua u avair gi la lubientscha da dimora per levgiar ina impatriaziun.

## Dapertut en Svizra

La lescha na preveda betg in automaticem: Persunas da la terza generaziun stuessan pia tschentar ina dumonda per survegnir il dretg da burgais. Ellas stuessan er ademplir ils criteris d'integraziun. Il 2004 ha il pievel refusà in project che ha pretendì ina naturalisaziun automatica per la terza generaziun. En discussiun stat perquai uss mo ina naturalisaziun facilitada.

16 chantuns enconuschian gia ina naturalisaziun facilitada per la terza generaziun, ha ditg la ministra da giustia *Simonetta Sommaruga*. I fetschia senn ch'ins porchia questa pussaivladad en l'entira Svizra a questa gruppa da persunas che saja bain integrada.

Per realisar il project basegni ina midada da la constituiun ed ina adattaziun da la lescha dal dretg da burgais.



Tenor la veglia dal cussegl naziunal fiss la naschienscha en Svizra la cundiziun per survegnir pli tgunsch il dretg da burgais.